

朝鮮史料汇编



中国文献珍本丛书

朝鲜史料汇编（六）

全国图书馆文献缩微复制中心

朝鲜史料汇编总目录

第一册

宣和奉使高丽图经

第二册

高丽史（卷一—卷八）

第三册

高丽史（卷九—卷十八）

第四册

高丽史（卷十九—卷二十八）

第五册

高丽史（卷二十九—卷三十九）

第六册

高丽史（卷四十—卷四十九）

第七册

高丽史(卷五十一—卷五十六)

第八册

高丽史(卷五十七—卷六十六)

第九册

高丽史(卷六十七—卷七十五)

第十册

高丽史(卷七十六—卷八十四)

第十一册

高丽史(卷八十五—卷九十五)

第十二册

高丽史(卷九十六—卷一〇五)

第十三册

高丽史(卷一〇六—卷一一四)

第十四册

高丽史(卷一一五—卷一二七)

第十五册

高丽史(卷一二八—卷一三七)

第十六册

经略复国要编(卷一—卷七)

第十七册

经略复国要编(卷八—后附)

第十八册

两朝平壤录

万历三大征考

惩毖录

征韩伟略

第十九册

朝鲜纪事

使朝鲜录

朝鮮圖說
朝鮮志

第二十冊

朝鮮史略

清乾隆四十八年朝鮮國王咨文

朝鮮國王李琠上清宣宗（道光）表文

朝鮮國王李煥上清宣宗（道光）表文

朝鮮國王李昇上清文宗（咸豐）表文

朝鮮國王李昇上清穆宗（同治）謝表

朝鮮國王李熙上清穆宗（同治）謝表

世家卷第四十

高麗史卷四十

正憲大夫工曹判書集賢殿大提學知經筵春秋館事重成均奇成官鄭麟趾奉教修

恭愍王三

壬子十一年春正月戊申朔王在福州賀正 甲子安祐

李芳寔黃裳韓方信李餘慶金得培安遇慶李龜壽
崔瑩等率兵二十萬屯東郊振兵官鄭世雲督諸將
進圍京城 乙丑昧爽諸將四面進攻我
太祖以麾下親兵二千人奮擊先登大破之斬賊魁
沙利閔先生等賊徒自相陷籍僵尸滿城斬首凡一
十餘萬級獲元帝玉璽珠宝金銀銅印兵仗等物餘

虎破頭潘等一十餘萬遁走渡鴨綠江而去賊遂平
 己巳金鑰矯旨密諭安祐李芳寔金得培殺提兵
 官鄭世雲 庚午鄭世雲露布至行在官道內唐事
 李大豆里賜世雲衣酒 遣叅政李仁復收國史秘
 書 辛未將軍睦忠至自軍前言諸將鄭殺世雲秘
 不發 壬申領宥旨于諸將仍令督赴行在以安其
 心 甲戌判太監監事金賢上將軍洪師禹來獻諸
 將論世雲書王悅賜賢等金帛 乙亥遣知奏事元
 松壽賜諸將衣酒以李芳寔為中書平章政事 己
 月己卯趙小生誘引納哈出入寇三撒忽面之地元
 季兵襲胡虜納哈出據有潘朶之地稱行省丞相

庚辰官者高龍普伏誅 辛巳東京尹裴天慶來享
王請幸東京 丁酉倭焚晉州岳陽縣 滅扈从諸
司支給有差 辛丑王發福州 癸巳駐駕尚州牧
使崔宰供進无缺不行饋遺為左右所短逐羅之
甲辰東北面都指揮使与紬吟出累戰敗請遣我
太祖 乙巳安祐還詣行宮金鑰使門者殺之遣使
分捕李芳寔金得培万户朴椿殺芳寔于尤官縣
三月丁未朔搜捕得培于山陽縣殺之梟首于尚州
觀者莫不嗟悼下教曰國家不幸遭罹寇難播遷南
土惟予小子否德所召亦惟將帥用軍无律不克禦
侮故也方懷雲胆之憂始寢敗軍之罰乃命門下平

章事商議會議都監事鷹揚軍上將軍鄭世雲為總
兵官賜之節鉞代予行事繼降敕書宣示所以委任
之意大將小將並聽約束俾无敢違累賴祖宗之靈
啟迪于上忠志之士奔走于下四面合攻盡殲其衆
方俟凱旋酌賞報功不期祐等恃功驕恣擯去雲
不畏大法以快一朝之憤提兵官代予行事而居下
者敢挾殺之是不有我也陵上千犯罪孰大焉顧惟
祐等為國爪牙血戰數年頗著勞効而一念之謬前
功盡弃予寔悼焉雖然破賊之功一時或有之而无
君之罪萬世之所不容輕重灼然有不相掩者釋此
不誅何以示後故命有司將都元帥安祐元帥得培

芳寔閔渙全琳等明正典刑尚念舊勞罪不及孥所
管大小官吏俱令有司量功叙用其党惡皆功手害
世芳郎將鄭替在外不宥外其餘知情不首者悉皆
原免布告中外咸使聽知惟爾衆士務盡乃心毋越
爾職以保始終 遣平章事李公遜系 黃裳樞密
院使金希祖守京城 丁巳命諸司分司京城時京
城宮闕元遺閭巷為墟白骨成丘 己未黑山島人
獻倭俘 辛酉赦大酺于行宮勞赴征將士 甲子
地震 改官制 李若乞辭以柳濯為左政丞 乙
亥前史館編脩李韜上書陳時務十條王嘉之 夏
四月丙子朔遼陽行省同知高家奴邀擊仁賊餘衆

斬四十餘級擒其魁破頭藩遣使來報 丙戌朔方
 道都指揮使擊女真獻捷 丁亥王閱射于西門觀
 雜戲賜布五十疋 庚寅發龍門倉穀一万石賑貸
 京圻飢民 乙未王射于南樓令近臣擊球以觀
 丙申地震 以密直副使李富壽為金羅道鎮邊使
 典札判書崔瑩為楊廣道鎮邊使我
 太祖以上獲軍為東北面兵馬使 五月丁巳元遣
 太子詹事院僉同奇田龍賜王衣酒 乙丑遼陽平
 章高家奴遣使來請兵 六月丙子以同知密直司
 事安遇慶為西北面都兵馬使 戊寅遣判司三事
 金遼逢如元獻方物 辛巳彗見長尺許凡三日

丙申監察使上言竊聞乘輿欲幸水原營宮闕水原
狹隘濱海倭寇可虞首降紅賊人心難保清州已備
巡幸且居三道之衝便于轉餉賊不能近愿姑駐駕
清州徐俟農隙擇京城近地以爲移御之所今農務
方殷豈可用絃亂之民以興工役下都金議司議之
遣典法判書李子松如元告平紅賊獻所獲玉圭
二金寶一金銀銅印二十餘及金銀牌 監察大夫
金靖命辭不允 秋七月朔哈出領兵數萬與卓都
卿趙小生等屯于洪源之難祖洞遣哈刺萬戶那延
帖木兒合僉伯顏甫下指揮率兵千餘萬爲先鋒
太祖遇于德山洞阮平擊走之逾咸關車逾二嶺先

殲委弄鎧仗不可勝數是日

太祖退屯谷相谷納哈赤怒移屯德山洞

太祖乘夜襲擊敗之納哈出退還遼祖洞

太祖屯含音洞

太祖遣斥候至車逾嶺賊登山樵蘇甚衆侯卒以白

太祖曰兵法當先攻弱遂令擒斬殆盡自以精騎六

百繼之踰車逾嶺至谷下賊乃敗遂戰

太祖率十餘騎冲賊射殲其裨將一人初

太祖至問諸將累戰狀諸將曰每戰酣賊將一人鉄

鎗飾以朱旄尾揮掣突進衆披靡无敢敵者

太祖物色其人独當之佯北走其人果奮前注槊甚

急

太祖翻身着馬鞍賊將失中隨墜面倒

太祖即執鞍射之殪于是賊狼狽奔北

太祖追擊至屯賊日暮乃還納哈出之妻謂納哈出

曰公周行天下久復有如此將軍者乎宜辟而速歸

納哈出不從納哈出之妹在軍中見

太祖神武心悅之亦曰斯人也天下无雙後數日

太祖逾咸關嶺直至鏈祖洞納哈出置陣相當率十

餘騎出陣前

太祖亦率十餘騎出陣前相當納哈出告曰我之來

本追沙劉閏先生潘誠等耳非為侵犯貴境也今我

累敗喪率萬餘人亡裨將數人勢甚窮蹙乞罷戰惟命是從時賊兵勢甚盛

太祖知其詐欲令降之有一將立納哈出之旁

太祖射之應弦而倒又射納哈出之馬而斃改乘又斃之于是大戰良久互有勝負

太祖追逐納哈出納哈出急曰

李萬戶也兩將何必相迫乃回騎

太祖又射其馬斃之有麾下士下馬以授納哈出遂得免日乃暮

太祖麾軍以退自為殿冬路盤迂數層官者李波羅寔在最下層急呼曰令公掇人令公掇人

太祖在上層視之有二銀甲賊將逐波羅寔注梨垂及

太祖回馬射二將皆斃之即連斃二十餘人于是更回兵擊走之又一賊逐

太祖舉梨欲刺

太祖忽側身若墜仰射其脰即還騎又一賊進當太祖而射之

太祖即于馬上起立矢出膝下

太祖即躍馬射之中其膝又于川中遇一賊將其人甲胄獲頂面而又別作願甲以便開口周獲甚固无隙可射